

明

史

明史卷三百七十七

忠義傳

忠義二

王冕字服周洛陽人也第正德十二年進士除萬安知縣寧王宸濠反列城長吏多奔竄冕急募壯士從王守仁攻復南昌已宸濠還兵鄱陽官軍戰不利冕獻火攻之策賊兵大敗宸濠窘急易小舟攜宮女四人遁冕卻卒掉漁舟追及之宸濠知不免自投於水水淺不死并宮女執送冕所宸濠問冕何官曰我萬安知縣也曰賴汝救免當酬以高官猶不自知被擒也功未及叙坐他事落職世宗踐阼錄前功擢兵部

主事巡視山海關嘉靖三年十二月遼東妖賊陸雄
李真等作亂突入關從吏欲扶冕出走冕不可曰吾
有親在走安之急趨母所執兵以衛俄賊至母被傷
冕奮前救之遂被執賊脅以白刃冕大罵遂見害詔
贈光祿少卿有司祠祀同時冀諒為德平知縣世宗
嗣位之歲寧津盜起轉掠至德平諒率吏民禦之力
屈被殺贈濟南府通判恤其家

李允簡字可大融縣人曾祖芳祖序甘進士芳雲南
右布政使序吏科給事中父鏞舉人允簡舉嘉靖十
六年鄉試以會試乙榜歷潼川夷陵二州學正除內

江知縣公廉自將縉紳請寄無所得歲大旱徒步禱
赤日令中兒童歌曰旱既太甚治非其人寧禍其身
勿病其民三日霖雨沾足學士茶陵張治從吏部乞
為州守乃擢茶林知州至則均徭賦剔奸蠹豪民斂
跡秩滿當遷治時居內閣復言于吏部乞再留一年
俟黃冊之成部從之諭恭始改雲南府同知攝潞江
府事吏事精練豪家奪民產者斷歸之民擢恩州知
府孤城多寇遣其孥歸獨與孫炳文居會銅仁築城
上官以命乞簡暨城成遷任五日麻陽苗龍許保等
偽為哨兵突入城殺掠乞簡與炳文皆被執留二日

劫以歸巢苗每執長吏必求厚贖上官幸朝廷不知也率許之以為常乞簡謂天子命更為賊劫質何面目復臨士民傳語守將石邦憲亟進兵勿以我為念邦憲不應乃自出盤山關至嶺塞崖高水深遂自投下賊驚共拽之出氣息僅屬棄之塗而去思人昇還至清浪衛遂卒時嘉靖三十年四月也事聞詔贈貴州按察副使賜祭葬官其一子

陳開詩字廷訓柘城人嘉靖中舉于鄉以親老絕意仕進親沒居喪哀毀三十二年秋賊師尚詔陷歸德聞開詩名約克城必生致之劫以為帥已而賊衆擁

聞詩至誘之百端不在賊于聞詩前引家屬數人斬之曰不從且盡滅而族聞詩知不可脫始曰必欲吾行毋殺人毋縱火賊許諾撤以行聞詩遂不食二日至鹿邑自經死董倫歸德府檢校也尚詔入歸德知府及守衛官皆遵倫率民兵巷戰被執垂死猶手刃數賊妻賈氏及僮僕皆從死詔贈聞詩鳳陽同知倫歸德同知並立祠死所

王鈇字德威順天人也僮蕩有才畧舉嘉靖二十九年進士授常熟知縣縣濱海多大猾匿亡命作奸監司檄鈇捕之鈇曰網疎則魚漏絕急則鷹鷲捕之非便

遂下令招之悉賞其罪保為己用已而倭患起鉄居
諸猾語之曰爾輩罪當死吾延爾命以有緩急也倘
一旦寇來爾輩何以報我咸叩首曰願効死于是立
為耆長保部署子弟得數百人合邑中防卒日夕訓
練縣故無城鉄議城之甫興役賊突入福山港且來
犯人情恟懼鉄誓以死禦會主簿蒼頭遇賊射殺三
人賊驚而宵遁鉄乃躬自課役三月而城成三十三
年四月賊來薄城矢石交下賊引却鉄曰賊未創也
而遽去其懈我乎繕守具待之詰旦賊果至鉄出閭
道邀擊殺數人賊乃潰走明年四月賊自三文浦分

掠富熟江陰泰政任環督王兵千餘金鉞與指揮既
兼分統官兵三千進攻其寨破之斬首百五十有
奇焚其舟二十七艘溺死無算餘賊奔江陰時邑人
錢泮以泰政里居忽賊襲其父柩日以賊賊為念賊
之攻城也從缺乘城拒守耦而射有却賊功及是賊
掠旁縣方舟由尚湖還海鉞憤曰賊尚敢涉吾地耶
吾不能坐令得志去必擊之泮亦力從吏乃召諸耆
長各率所部揚小艇數十追躡賊賊偵官軍入隘中
出不意兩岸夾擊時獨耆長數人從鉞前諸健兒
皆在後數人者力鬪死鉞陷淖中不得出怒髮上指

瞋目大呼而賊刃已刺腹中遂死泮亦力戰身被數
鎗猶手刃三賊與鉄俱死時三十四年五月二十有
四日也泮字鳴教舉進士歷侯官慈谿知縣遷刑部
主事員外郎部中出為順慶知府進陝西副使江西
左叅政所至並著能聲至是殉難詔贈泮光祿卿鉄
太僕少卿並廕錦衣世百戶道官諭祭且立祠死所
歲時奉祀

錢鏞字鳴叔鍾祥人嘉靖二十九年進士除江陰知
縣時倭寇初熾鏞至即繕城濬濠為守禦計三十三
年倭果入犯鄉民奔入城者萬計兵使王崇古不納

韓曰守城以為民耳。遂通背吾民，民死不救。守此空城，奚為遂開門縱入，而身自搏戰于斜橋。三戰却之。明年六月，倭復進，據蔡涇關，分衆犯塘頭。鎬城上見賊刈稻，急提狼兵出擊，戰于九里山。時已薄暮，雷雨大作，賊伏四起，狼兵悉奔鎬，率民兵力戰盡死于賊。同時唐一岑為崇明知縣，縣建新城，成一岑決計徙居為千戶，高才程欽所沮，未幾倭寇突入一岑，且戰且書，諸梗議者遂為亂軍所殺，以陣亡聞。久之，其事始白，與鎬並贈光祿少卿，建祠致祀。鎬世廕錦衣百戶，一岑廕國子生。

孫鏜吉州人負氣不羈精武事嘗為吏以不得志棄
去挾背商吳越間嘉靖三十三年倭擾松江鏜謁郡
守自陳願戮力職賊輸資佐軍守嘉其志見之泰政
翁大立試之藝超絕等倫所佩雙刀運若飛衆莫能
舉大立喜甚手舉酒觴之以為得鏜冠不足城也會
兵備任環窵于賊鏜望見馳冒賊圍出環賊駭散鏜
知官兵不足用遣人還言措其家財悉召平日所結
里中兒為己爪牙于是吳中父老咸倚鏜如長城鏜
益自恃有輕敵心無何賊舟渡泖漸鏜杖袂起曰是
可威而擒也突出賊後奮擊賊兵多不可收鏜酣戰

竟日矢盡強絕後援不至還至石湖橋半渡遇伏猝
起鎗矢足墮水賊舟四集群刺其腹遂死有司以禮
收塋詔贈光祿署丞錄其一子有范希雲者秀水人
也為諸生負氣善讀兵書嘗語人曰吾以七寸管與
黃口兒爭長何如伏三尺劍策馬萬軍中取上將頭
予會倭寇入犯所司簡兵授甲俾材武士將之希雲
請獨當一面遂授先鋒督所部禦寇于平湖出奇設
伏屢破之迨至白馬堰接戰三日夜所殺傷暈當以
援兵不繼陷陣死年二十有六又有姚長子會稽人
嘉靖三十四年倭自諸暨入掠獲長子貫其肘使為

渠長子乃絡之西而密語鄉人曰俟我誘賊過橋若
等亟撤之賊入絕地可悉擒也我死不恨已而賊至
化人壇四面皆水賊欲出不得而官軍又截其後賊
知為所絡殺長子對其屍而賊百三十餘人盡為官
兵所殲無一脫者鄉人感其義立祠以所祀之

朱袞字崇晉耶西人嘉靖中舉于鄉署鞏縣教諭事
尋遷武功知縣抑豪強祛積弊閩中稱為缺漢遷楊
州府同知民遮道留者萬人佐揚州一歲上下胥服
吏無敢索民一錢已而倭賊入犯袞部署民兵擊敗
之于沙河殲其酋還所掠生口甚衆未幾賊復大至

薄城東門裛以為臥督兵奮擊伏發兵潰裛死馮三十五年十月巡按御史吳百朋上其事詔贈左叅政錄其一子同時有齊恩者官無為州同知倭寇流劫團山山北等港恩率舟師擊敗之斬首百餘級時從父仲實弟賢榮子尚文嵩從子慎寅友良大卿八人俱在行嵩年十八尤號勇善射獨前擊賊至安港恩等從之伏發被圍恩等及家衆二十一人俱力戰死惟嵩及慎寅三人獲全時嘉靖三十五年四月也事聞帝以恩率家殉國贈光祿寺丞歷一子仍厚恤其

家

杜槐字茂卿慈谿人也。僮游俠，輕財好施，出身為吏。期滿以省祭歸，時倭寇蔓延，槐家海濱，知禍將及，乃散家貲，結壯士為保障，計會縣令，其父文明為部長，令團結鄉勇，槐傷父老，以身任之。已而寇至，槐父子部勒鄉兵，追敗之。王家園及橫塘諸處海道副使劉起宗因以便宜委槐防守，餘姚慈谿定海三縣未幾遇寇于定海之白沙，一日戰十三合，斬三十餘人，截其一首，槐亦被數鎗墜馬死。時文明別將兵，柴冠于鳴鶴場，斬白耆帥一人，俘獲甚衆，寇驚遁，稱為杜將軍。無何，復率所部追寇至奉化楓樹嶺，兵少無後。

接逆戰決嘉靖三十五年十月巡按御史趙孔昭以
狀聞詔贈文朗府經歷魏光祿署丞有司立祠並祀
廢槐子為國子生全邑吳德四者海濱農夫也倭經
其廬驅黍黍德四自田歸遇于門揮鋤中其腦仆地
死弟德六急取倭刀復進殺一酋兄弟遂以勇力聞
隸槐部下每遇賊衝鋒拔幟以為常監司聞其名檄
往舟山攻賊寨德四前攻賊寨寨中驚擾錄而出懦
卒盡逆旆走賊斫德四蹶德六奮呼曰兄死矣獨前
斬其殺兄者後援不至亦死賊渠被戕寨不能守卒
為官軍所破有魏鏡者亦慈谿人生有膂力善格鬥

倭犯慈谿知縣曹本平衆禦于鳴鶴場兵敗鏡奔
既走追者漸近語本曰賊追及必甘心于公今鏡反
鬪公速匿他所鏡死公可以免于是奮勇衝殺數賊
賊憤甚合圍擊之傷鏡額鏡猶瞑目力鬪竟死之令
得遁去洒泣為文祭之

黃釗字珍夫安漢人由舉人歷官温州府同知嘉靖
三十四年倭寇來犯釗率衆擊之賊遁去釗知寇必
復來日夜繕城郭清什伍誓以死守又三年倭果來
至戒勸釗嬰城固守釗曰四郭外非吾民耶而以委
賊遂出城逆擊分軍為三釗將中軍其二軍帥皆統

袴子一軍軍壘石一軍軍錢場約中軍先進二軍繼
發為後援及劍與賊遇賊陰遠其眾分掩壘石錢場
軍而以銳卒當中軍劍發勁弩巨礮擊賊戰良久賊
方不支而二軍帥望見賊至即棄軍走賊因合兵擊
劍劍腹背受敵軍潰為賊所得脅之降不屈令以金
贖劍且笑且罵曰愚賊爾不知黃大夫不受錢耶賊
怒裸而寸斬之其後子麟死不獲具衣冠招魂葬之
事聞贈浙江布政司叅議官其一子下有司建祠同
將武曠漂水人為台州府知事三十一年倭賊陷黃
岩趨郡城曠率民兵伏拘嶺下待之賊至射殺二人

餘賊驚遁。時勅所部追至釣魚嶺，力戰死。上官不以聞。其子尚實訴于朝，下所司勘實，乃贈太僕寺丞。廢尚實為國子生。

王德字汝修，永嘉人。嘉靖十七年進士，授東昌府推官。善決獄，父喪除起官。大名徵授戶科給事中。定國、公徐延德丐無極諸縣間田為業，且言私置莊田不當，以災傷免賦。德抗疏劾之，俺答圍成都，屢陳軍國便宜，悉報可。時城門盡閉，鄉民避難者不得入，號呼之聲直徹西內。德以為言，民始獲入。寇退，命募兵山東，所得悉驍勇為諸道最。還朝，會李默新長吏部，德

謀刺稍佞。卽出為嶺南兵備僉事。又不善事上官。嘗
爭一獄與撫。按不合。投劾徑歸。按臣奏其事。時默復
起為吏部。猶以前憾落職。閒住。德瑋居情倭寇肆亂。
乃納母城中。而傾貲募健兒為保障。計三十七年四
月。寇自梅嶺登陸。肆掠德借族。父沛督義兵擊之。寇
已宵遁。俄一舟飄至。王氏兵初疑漁舟。不為備。寇突
來衝擊。沛及族弟崇克崇修殲焉。初。特沛為強。至是
奪氣。無何。寇復至。肆掠管頭蒲州諸處。德憤怒。勅所
部追襲至龍灣。賊衆義軍寡。守將又背約不救。軍遂
敗。德手射殺數人。罵賊而死。然賊自是有所忌不敢

越德鄉侵郡城矣事聞贈太僕丞立祠予廕
立祠曰愍忠沛亦贈太僕丞立祠予廕

林威番禺人舉于鄉署左溪教諭博學善訓士遷惠
安知縣嘉靖三十七年四月倭賊千餘人攻陷福清
乘勢犯惠安威率丁壯乘城拒守賊攻五晝夜不克
下壯死者數百人賊亦頗有損失乃引去甫十日賊
復來犯威率衆擊之于鴨山乘勝逐北陷伏中力戰
死贈泉州府同知賜祠任其一子賊之陷福清也執
知縣葉宗文劫庫放獄囚掠子女千餘人焚官民廨
舍舉人陳見率家衆禦之不克與訓導鄭中涵全被

執馬賊而死其陷興化也延平府同知奚世亮遣朱
署府事賊圍城踰月世亮與武將分陴而守親冒矢
石南城陷橋西向迎戰身被數鎗力屈死事聞贈右
叅議廕子賜葬世亮字明仲黃岡人起家進士

汪一中字正叔歙人嘉靖二十三年進士由開封府
推官累遷江西副使四十年隣境賊入寇簿泰和一
中方讙會聞之投箸起曰賊豈行而西掩我不備不
蚤計民無噍類此豈飲酒時乎遂罷會居無何當路
以討賊屬之先是泰和巡檢劉茂力戰死賊怒磔其
屍一中至率諸將吏祭曰爾職抱閔猶死疆事吾待

罪方面不滅賊何以生為遂誓師列陣而鼓之俘五
人斬首以徇旦日陣如前會左右軍遇賊而奔賊悉
赴中軍中軍潰一中躍馬當賊鋒射二人另一人死
一中脛脇中鎗二臂中刃三與指揮王應鵬千戶唐
禹皆死之一中妻程氏聞訃投井未得死送一中喪
歸不食五日竟死事聞贈光祿卿謚忠愍賜祭予廕
命有司立祠

蘓夢賜萬曆間為雲南祿豐知縣有政聲三十五年
十二月武定賊鳳騰霄反圍雲南府城轉寇祿豐夢賜
率民兵出城力戰賊退去明年元旦夢賜方朝服視

羣賊出不意襲陷其城執之去不屈而死贈光祿少卿有司建祠錄其一子當祿豐之未陷也賊先犯嵩明州吏日韋宗孝出禦而敗圍門死之贈本州同知廢其子入國學有龍旌者雲南趙州人由歲貢生為嵩明州學正賊薄城旌效死不去被執罵賊死贈國子博士

滿宗顏字士瓚保安衛人善騎賦曉天文兵法舉萬曆四十一年進士授戶部主事歷部中遠事起數上書當路言兵事當路不能用然以知兵命督餉遼東旋擢開原兵備僉事申嚴軍令將士不法者立置之

罪部內爾然馬林之將出師也宗顏知林不足任上
書經略楊錫曰林庸懦不堪當一面乞易他將以林
為後繼不然必敗公事錫不從命宗顏監林軍出三
岔口營于稗子峪夜聞杜松軍敗林軍遂謀及旦敵
兵大至林恐甚一戰而敗策馬先奔宗顏留殿後奮
呼衝擊騰氣彌厲自辰至午力不支與游擊賈永澄
守備江萬春資理通判董爾孺等皆死馬事聞賜祭
葬贈光祿卿再贈大理寺卿廕錦衣世百戶謚節愍
立祠奉祀永澄等亦賜恤如制

張銓字字衡沁水人萬曆三十二年進士授保定府

推官入為御史巡視陝西茶馬以憂歸起按江為時
遼東總兵官張承循軍覆經略楊鎬議四道出師銓
馳奏言敵之山川險易我未能悉知懸車深入保無
抄絕且突騎野戰敵之所長我之所短以短擊長以
勞赴逸以客當主非計之得晉驢胸河之戰五將不
還奈何輕言出塞為今之計不必徵兵四方但當就
近調募屯集要害以固吾圉厚撫北關以樹其敵多
行間謀以携其黨然後伺隙而動若加賦選丁騷動
天下恐識者之憂不在遼東因請發帑金補大僚宥
直言開儲儲先為自治之本不報又言李如柏杜松

劉綬以宿將並起宜責錫約束用一事權唐九節度
相州之濟可為明鑑已而師敗果如銓言廷議將恤
張承僧銓言承僧不知敵之誘我輕進取敗是謂無
謀猝與敵遇行列錯亂是謂無法車萬餘之衆不能
死戰是謂無勇臣以為不宜恤時諱其言又言楊錦
非大帥才荐熊廷弼有將畧四十八年屢疏言自古
國家之亡莫不由于民窮財盡自軍興以來所司創
議加賦畝增銀三厘乃三厘未已而至七厘七厘猶
未已而至九厘夫天地止此財賦民間止此物力正
賦尚逋何況加徵加徵已難何況增益奈縱不能賦

於七厘之內斷不可加于七厘之外辟之一身運來
肩背也天下腹心也肩背有患猶藉腹心之血脈滋
灌若腹心先潰危亡可立而待今竭天下以救速速
未必安而天下已危為今日計在聯人心以固根本
豈可廢削無已驅之使亂耶則諸臣之為國謀非也
陛下之自為謀更非矣內廷積金如山以有用之物
置無用之地與瓦礫糞土何殊而發帑之請叫閤不
應加派之議朝奏夕可臣殊不得其解豈財為陛下
之財民非陛下之民也耶亦不報憲宗即位出按遼
東經畧表應泰下納降令餘力言不可不聽曰禍始

此其天啓元年三月滿陽破銓請遠東撫臣薛國用
帥河西兵駐海州薊遼督臣文球帥山海兵駐廣寧
以壯聲援疏甫上遼陽被圍官軍大潰銓與應泰乘
城分子應泰令銓退保河西圍再舉銓不從三日城
破銓被擁去不屈欲殺之銓引頸待刃乃送歸署銓
衣冠向闕拜又遷拜其父母遂自經事聞贈大理寺
卿再贈兵部尚書謚忠烈官其子道濟錦衣指揮僉
事父五典由進士歷官南京大理卿乞終養詔以銓
所贈官加之亦為兵部尚書卒贈太子太保初五典
謂海內將亂於所居黃莊築塙為堡堅甚崇禎初年

流賊來寇時五典已沒道濟及弟官京師獨銓縷漉
氏在衆請避之曰避賊而出家不保出而遇賊身更
不保等死耳曷死于家乃率僮僕堅守賊環攻四晝
夜卒不能克其避山谷者多遇賊淫掠獨張氏家族
獲全副使王肇生名其堡曰夫人城後賊數來犯並
擊却之里人多賴以免道濟既官錦衣以忠臣子為
朝責所重累加都指揮僉事僉書衛事為人允邪無
賴崇禎初逆黨楊維垣楊所修賈繼春被斥上疏力
頌其賢後為王永光心腹連疏擊錢龍錫成基命文
震孟毛朋健諸正人吏部郎中龔世法御史劉芳琴

家北上聞警遙回且擅來却傳道濟疏發之兩人罪
至謫戍由是朝士益疾之尋以納賄居間事亦被劾
遣戍迺還其家再被劾改戍海寧

何廷魁字汝謙山西威遠衛人萬曆二十九年進士
授涇縣知縣調寧晉入為刑部主事歷歸德衛輝河
南知府遷丙軍副使坐考功法復為蔡平知府會求
事棘詔以副使分巡遼陽受牒以六月蒞事乃先期
往時連事潰裂經畧表應泰復有納降之令廷魁爭
不聽及瀋陽破同事者違其擊歸廷魁曰吾不敢為
民望無何敵兵渡濠廷魁請乘半濟急擊俄敵躡城

園未合又請盡銳去禦應泰並不從遠陽既破疑魁
懷印率其妻高氏金氏投井死婢僕從死者六人都
司徐國全聞之亦自經于公署事聞贈廷魁光祿寺
卿再贈大理寺卿賜祭葬謚忠愍世廕錦衣百戶國
全亦贈恤如制

崔儒秀字傲初陝州人萬曆二十六年進士除掖縣
知縣置倉名耕餘秋成輸粟其中歲得千餘石遇災
發賑坐忤縣中要人罷歸數年起知絳翼二縣入為
刑部主事復謫文安知縣由戶部郎中遷開元兵備
倉事時開元已失儒秀散家資募壯士攜家辭墓而

行經表應泰倚重之嘗與諸監司養兵馬甲仗無
足恃儒秀曰恃人有必死之心耳應泰心然之遠陽
被圍儒秀分守東城矢集如雨不少却會兵潰儒秀
痛哭戎服北向拜遂自經事聞恤典視何廷魁賜祠
曰愍忠以陳輔克段辰配祀輔克揚州人萬曆中舉
于鄉歷知長寧歸善二縣課最擢膠州知州甫五月
遷永平府同知轉餉出閩與自在知州段辰同駐滯
陽天啓元年日暈異常辰移牒表應泰言天象示警
宜豫防踰月滿陽變作辰死之輔克方奉命印烙左
右以無守土責勸之去輔克曰孰非封疆臣何劫焉

望闕拜拔佩刀自剄死。典、展並贈按察僉事，輔、饒守
官廉在膠州時有餽之。山繭者却之，不得遂。慧公帶
中展涇陽人，舉于鄉，授蓬萊知縣，調官未久，遽及于
難。先是，遼陽被圍，監軍按察使高士典諸監軍胡嘉
棟、牛維曜並踰城遁去，倡言廣寧不可守，宜界之蒙
古，共為捍蔽。我帑力守山海關，御史劉廷宣勅之，被
逮。無何以熊廷弼言，貶副使。監軍廣寧嘉棟亦貶。二
秩監軍遼陽及王化貞、葉廣寧兩人後，遁下獄，論死。
高邦佐等以道襄陵人，萬曆二十三年進士，授壽光
知縣，教民墾荒，招集流亡三千家。歷戶部主事，員外

即出為永平知府濟灤河築長堤稅使高淮橫甚獨
裁柳之遷天津兵備副使平巨寇董時耀四十一年
遷陝西神木道參政屢破套酋沙計兵餉有奇羨舊
克兵使者索邦佐獨不取以嫡母憂歸服除起補蔚
州道坐調兵忤主者意被劾歸天啓元年遼陽破詔
以原秩分守廣寧時母年八十餘邦佐涕泣不忍去
母責以大義乃行既視事見經畧熊廷弼與巡撫王
化貞構隙遼事濟決不可為邦佐憂勞成疾累請乞
罷督撫廉得實報允明年正月化貞棄廣寧逃遼謂
邦佐既請告可入闕邦佐叱曰吾一日未去則一日

封疆臣也。吾將安之。夜作書訣母。策騎趨右屯。獨廷
弼言城中雖亂。敵尚未知。亟提兵入城斬一二。人心
自定。公即不行。請授弼佐兵。赴難廷弼不納。且借
化貞並奔。弼佐仰天長嘆。泣語從者曰。經撫俱逝。事
去矣。松山吾守地當死。此汝歸報太夫人。遂西向拜
闕。復拜母。解印綬。自經于松山官舍。僕高永曰。主人
死安可無從者。亦自經于側。事聞。賜祭葬。贈光祿寺
卿。再贈大理寺卿。謚忠節。世廕錦衣百戶。弼佐與張
銓何廷魁皆山西人。詔建祠宣武門外。顏曰三忠同
時。顏頤以右叅政分守遼海道。廣寧之變。頤力任自

經聘太僕少卿世廕本衛副千戶

章文炳長泰人萬曆四十一年進士除戶部主事歷
部中出為重慶知府治行廉潔吏民愛之天啓元年
九月賊樊龍等反于重慶殺巡撫徐可求以下十餘
人文炳被執罵賊死賊後知其賢悔之覓其屍厚為
棺斂送之歸喪出江上夾岸哭者皆失聲事聞贈太
僕少卿再贈太常卿世廕外衛副千戶可求浙西江
安人舉進士歷知南昌江浦上海三縣有治績累遷
考功文選部中泰昌元年由太常少卿擢右僉都御
史巡撫四川為政嚴明屬吏畏服給事中明時舉御

李遠者蜀人也奉命徵土司兵與可求等並繼重慶永安軍撫奢崇明遣其塔與龍等率兵來會討奉遠頗責饒道諸土司多不服土司志在買餉兵不知額可求以餉之議汰之相持閱月龍等憤怒欲變可求等不為意至九月閱兵演武場可求援諭以簡汰意龍抗聲言兵已久集汰之將不利可求猶難之叅政楚雄孫好古見衆情洶洶力請毋汰可求領之猶欲閱實其數諸亂兵遂繼擁而上挺刃擬可求可求厲聲大言逆賊敢反耶聲甫脫口刃已搥胸死好古反剽使恚安駱日升南昌李繼周並被害總兵官黃

守寇時駐城外聞變急督兵入討道狹民居稠格闘不利為群賊刺死妻聞亦赴水死同時被難者有推官王三宅順慶府同知王世科叙州府同知熊嗣先遵義秦將萬金等十數人惟時奉達踰城得脫事聞可求贈右都御史廕本衛指揮僉事好古日升總周贈光祿卿廕本所百戶三宅世科嗣先贈尚寶卿廕試百戶並世襲賜祭葬時奉達被逮視職

段高選雲南劍川州人萬曆四十七年進士授巴縣知縣以寬厚得民天啓元年八月應聘分考鄉試事甫竣聞巡撫徐可求以徵兵詣其縣亟馳還未幾賊

樊龍等變起高選同在演武場亟遣吏歸印于署屬
聲叱賊賊魁戒其下勿殺而高選馬不絕聲遂過害
父汝元母劉氏側室徐氏及一子一女聞之皆自盡
僕胃死覓其主屍亦被殺明年十二月贈尚賢司卿
世廕外衛試百戶崇禎元年子暉援張振德例叩關
請優恤改贈元祿寺卿世廕錦衣千戶建祠奉祀汝
元等亦獲旌十五年其子復以謚請賜謚恭節公時
左重雲南蒙化人舉于鄉授灌縣知縣為人卓偉尚
名節奢崇明園成都重召士民輸之曰灌去成都近
成都七禍即及灌惟率壯士出不意直衝賊壘庶園

解而灌亦全衆從之遂鼓行而前賊聞釋圍迎敵重
死關不休力竭馬蹶爲賊死贈尚寶司卿世歷千戶
崇禎十三年其子廷舉援高選例乞恩命如其請
張振德字季修崑山人祖情從祖意皆進士情福建
副使意山東副使振德由選貢生授四川興文知縣
縣故九絲蠻地萬曆初始建縣土墻數尺戶不滿千
時永寧重撫奢崇明有異志潯結奸人掠賣子女振
德至請于兩臺復弓手舊額免協防堡兵嚴土人出入
得奸民爲掠賣主者論配之招還被掠者三百餘人
崇明以贖請不報則賄以二千金振德怒裂其贖却

之天啓元年振德方赴成都供事。鄉闈崇明部將樊龍殺巡撫徐可求等。據重慶叛。時振德兼署寧長縣。去賊稍遠。從者欲走長寧。振德以守與文為正。疾趨入城。賊猝至。振德督鄉兵與戰。衆寡不敵。退集居民守城。會大風雨。賊毀土城入。振德命妻錢氏及二女。人持一劍坐後堂。曰：若輩死此。吾死前堂。乃取二印繫肘後。北向拜曰：臣奉職無狀。不能殺賊。惟以一死明志。妻女先伏劍死。乃命家人舉火。火熾。自剄一門死者十二人。賊至。火所見。振德屍面色如生。左手繫印。右手握刃。恣如赴敵狀。皆駭愕。羅拜而去。事聞。賜

祭葬贈光祿卿謚烈愍勅有司建祠世廕錦衣千戶
振德既死與文教諭劉希文代署縣事甫半歲賊復
薄城希文誓死不去妻白氏亦慷慨願同死賊入
夫婦大罵不屈並死之始振德署長寧與主簿徐大
禮善振德禦賊興文大禮以騎從未逐振德却之後
長寧亦陷大禮曰吾不可以負張公一家四人仰藥
死贈重慶府同知世廕百戶是時先後殉難者南溪
知縣王碩輔城陷自盡為賊夫解桐梓知縣洪維翰
城陷奪印不屈死典史黃啓鳴亦死郡縣訓導趙愷
率衆擊賊刺死遵義推官馮鳳雛挺身禦賊被創死

遵義司獄蘇樸威遠經歷表一修義不汙賊墜城死
大足主簿張志舉典史宋應舉集兵奮戰力屈死所
司上其狀頌輔維翰並贈尚寶鄉世歷千戶巷鳴贈
重慶府通判愷重慶府同知世歷試百戶

董盡倫字明吾合州人萬曆中舉于鄉除鞏昌清水
知縣調安定咸有惠政秩滿安定人詣闕奏留詔加
鞏昌府同知仍視縣事久之以同知理甘州軍餉解
職歸天啓初永寧賊奢崇明反率衆薄城盡倫傾貲
募士僭知州翁登彥誓衆固守賊遣使說降盡倫大
怒手刃其使抉其睛啖之屢挫賊鋒賊不能克城獲

全乃率衆援銅梁復有功尋被檄擣賊重慶義不反
顧孤軍深入兵盡援絕伏兵四起遂戰死事聞贈光
祿少卿世廢千戶有司建祠奉祀尋改廢指揮僉事
崇禎初論全城功復改廢錦衣千戶同時李忠臣永
寧人官松潘秦政家居陷賊散家資陰募死士使使
密約總兵官楊愈懋令以大兵薄城已為內應事洩
闖門遇害高光瀘州人嘗為慮天府通判城陷雜髮
為僧與子在崑港募壯士圖恢復殺賊百許人賊怒
追至大葉壩光罵賊不屈與家衆十二人同死胡鎮
永寧舉人預策崇明必反上書當事陳狀當事不為

意後賊起被執嚴刑錮獄中弟緯傾家營救獲免乃
糾合義徒數有新賊潛結賊將張令等執偽相何海
若部勒行陣自當一面賊甚畏之偶火藥被焚燒焚
死蜀人莫不傷之蘇繩昌富順舉人毀家召募義勇
禦賊戰死吳長齡瀘州監生率眾恢復瀘州尋中伏
父子俱戰死胡一夔興文人仕為龍陽縣丞里居被
執不屈死

龔萬祿貴州人也日不知書而體貌魁梧有膽智膂
力過人初隸行伍從劉綎征楊應龍先登海龍圍由
是知名上官署為守備成建武所故九絲蠻地萬

曆初蠻平始置最號難治到使陳希謨奇萬祿亦屬
以捕盜盜盡絕及奢崇明反衆推萬祿為游擊將軍
主兵事指揮李世勣名位素先萬祿亦受節制相與
戮力固守崇明謀犯成都憚萬祿率其後遣部將張
令說降令雅欲反正慷慨陳志萬祿與結約膠降崇
明果遣他賊來成萬祿又脅降之先後誘殺賊無算
乃微服走叙州說副使徐如珂曰賊之精騎盡萃成
都其留守故業者悉老弱也誠假萬祿萬人直搗其
巢彼必還兵自救則成都圍立解如珂奇其計而不
能用及賊退還悉衆來攻萬祿邀擊十里外衆寡不

敵而敗城遂陷世勛具衣冠再拜率家屬自焚死萬
祿手刃兩妾兩孫自刎不殊乃握稍馳出大呼我龔
萬祿也孰能追我者賊相視不敢逼走至叙州乞師
巡撫朱燮元遂復建武會官軍敗于江門賊四面來
攻萬祿苦戰三日手刃數十人與子崇學並死事聞
贈都督僉事立祠賜祭世廕百戶同時武臣死難者
咸都衛指揮程英扼賊龍泉驛成都後衛指揮韓應
泰赴援成都遇賊草堂寺小河所鎮撫都聯若廕賊
城西茂州百戶張朋救援邛縣皆力戰死

管良相者烏撒衛指揮也為人慷慨負奇節天啓初

樊龍等反于四川巡撫李樓召良相置麾下與等軍
事良相策安邦彥必反佐樓招兵積粟為固守計已
良相以祖母疾乞假歸泣語樓曰烏撒孤城密邇水
西且與安劾良相擊水西有變禍必首及良相無子
願以死報國乞圖長策保此一方樓亦泣下逾月邦
彥果反圍其城良相固守不下久之外援不至城陷
良相自縊死同官李應期朱運泰蔣邦俊亦遇害同
時武臣死難者王明重普定衛指揮聞安順陪仰天
恂及自經死丘述堯威清衛指揮金紹勳平壩衛指
揮俱以召兵拒賊為賊掩襲父子皆死壩陽把總簡

益率衆討賊兵敗被執罵賊死賊圍龍里吏民咸赴
或降獨訓葉劉三畏兀坐齋中被害原任守備劉率
典賊格鬪衆寡不敵其子景武聞難赴救并死之人
稱龍里三劉

徐朝綱雲南晉寧人萬曆二十八年舉于鄉天啓元
年授安順推官至卽署府事明年安邦彥反遣兵來
攻朝綱督率兵民憑城固守土官溫如璋訓葉周國
光懷異志開門迎賊國光時守東門持賊幟麾士民
降朝綱猶出城督戰衆寡不敵為賊所執脅之降不
屈賊索其印罵曰死賊奴吾頭可斷印不可得賊怒

刀斧交下大罵而死其妻聞之登樓自縊長媳亟舉
火焚其舍挈十歲女躍入烈焰中死孫應魁年十六
擐甲持矛潰圍出城覓其祖遇賊被殺婢僕從死者
十一人五年正月恤殉難諸臣贈朝綱光祿少卿歷
予入國學予天鳳甫第進士即奔喪歸服闋起官戶
部主事拜疏言臣家一門臣死忠妻死節婦死姑孫
死祖婢僕死主此從來未有之節烈乞如張振德例
再加優恤臣母臣嫂一體旌表帝嘉之再贈光祿寺
卿政廕錦衣世千戶賜祭葬立祠建坊諸從死者皆
附祀國光既降賊後被獲伏誅妻子為奴

揚以成雲南路南人萬曆中由貢生授貴陽府通判
理畢節衛事秩滿進同知仍治畢節天啓二年安邦
彥反圍貴陽以成即具蠟書告急于雲南巡撫沈做
炯做炯遣兵未接賊衆已抵城下以成勒兵與戰却
之無何賊未益衆以成知勢不敵遣吏懷印取間道
達貴州而身督吏民拒守會援兵入夜潛遁衛吏阮
懋爵為內應城遂陷以成倉皇投縋賊繫之去乃為
書述賊中情形寘竹筒中令弟以恭再赴雲南告變
行至散納溪遇賊搜得其書遂并以成殺之家屬同
死者一十三人五年正月贈按察僉事賜祭久之其

于舉人興南訴諸朝請如徐朝綱例優恤會在烈帝
嗣位乃贈光祿寺卿世廕錦衣千戶賜祭葬建祠立
坊以恭亦附祀同時孫克恕馬平人舉于鄉歷官貴
州副使分巡畢節道亦以安賊之亂死難贈太僕寺
卿賜祭又有王昌循者嘉興人舉于鄉為思恩府推
官遷貴陽府同知分理永寧衛事天祿元年劾崇明
父子據永寧反昌循被難與以成並贈按察僉事賜
祭莊烈帝踐祚其子監生世駿言賊踞永寧臣父刺
血草三榻繳印上官以次年五月再拜自縊賊恨之
焚其屍二孫一孫女及僕婢十三人同日被殺乞如

張振德徐朝綱例優加恤典所司擬如其言報可或
言昌偕陷于賊遂疾死其家人以殉難報于官遂蒙
贈恤然道遠莫能詳也

鄭彥字爾調龍溪人由鄉舉為貴州廣順知州時安
邦彥有異志彥策其必反上書當事陳狀州故無城
督民樹柵實以土為守禦計無何彥邦果反遣兵來
攻彥激厲士民誓死固守或言賊勢盛宜走定番彥
曰吾守土吏也義當與城存亡及賊入與土官金燦
端坐堂上不動並為賊所害婢僕從死者六人吏目
胡士統被賊執亦不屈而死時天啓二年六月七日

也巡撫李樞上于朝贈按察僉事賜祭崇禎元年于
舉人崑貞援徐朝綱例請加恩再贈光祿寺卿世廕
錦衣千戶于祭葬有司建祠崑貞後舉進士歷御史
尚寶卿

姬文循字士昌華州人舉于鄉父之不第天啓二年
授滕縣知縣視事甫三日白蓮賊徐鳴儒作亂未薄
城當是時縣人十九從賊內外協應文循徒步叫號
驅吏卒登陴不滿三百此賊至又多散走存者繞數
于問民何以從賊曰禍由董二董二者故延綏巡撫
董國光子也為鄉貪暴故致民變文循急遽城曉告

句若皆良民以董二故挺而走險吾執董二實譴法
為若雪憤可乎衆無應者見文循長身赤面鬚髯奮
張則駭為神人讚呼羅拜俄箭發而陽斃二賊視之
則延綏沙柳驛也賊蓋憤薄登城衆悉潰文循緋
衣坐堂皇將齒罵賊賊前搏裂其冠裳械繫之文循
罵不屈居三日解印界小吏魏顯照及家僮李守務
北向拜闕遂自經賊榜掠顯照索印顯照潛授其父
與守務反而罵賊並死之事聞贈太僕少卿立祠致
祀錄其一子顯照等優恤其家董二既斃賊及賊至
踰城遁去事平竟以賄免

鄭國昌邠州人萬曆三十五年進士歷戶部主事禮部員外郎部中遷四川副使調山西右叅政崇禎元年以按察使治兵永平尋遷山西右布政使為上官奏留三年正月

大清兵自京師東行先令人伏文廟承塵上王者不覺也初四日黎明登城有守將左右之國昌覺其異搥之至死須臾北樓火發城遂破國昌自縊于城上中軍守備程應琦從之應琦妻奔告國昌妻與之偕死一時同死者知府張鳳奇推官羅成功盧龍教諭趙允殖副總兵焦廷慶東勝衛指揮張國翰及里居

中書舍人廖汝欽武舉人唐之俊諸生韓洞原周祚
新馮維京胡起鳴胡光奎田種玉等十數人國昌鳳
奇一門盡死事聞贈國昌太常卿鳳奇光祿卿並賜
祭葬廕其一子成功等贈恤有差鳳奇陽曲人起家
御舉

党運醇字子貞三原人天啓五年進士授休寧知縣
有善政以父憂歸崇禎二年服闋起官良鄉十二月
大清兵薄城督吏民棄城拒守或言縣小無兵盡避
諸還醇毅然曰吾守此吏也去將安之救兵不至力
屈城破與典史史之棟教諭安上達訓導李廷表驛

丞楊其禮並死馬事定父老覓還醇屍得之草間赤
身而縛禮被數鎗群鼠而殮之上達貴州安順人萬曆
末舉于鄉不樂為吏謁選得教諭至是闔門死難事
聞贈還醇光祿丞予祭葬有司建祠官其一子之棟
等亦贈卹有司給驛歸其喪已而吏科上言還醇城
亡與亡之死靡貳猶曰有守土責也若之棟上達等
元賊下吏倘抱頸鼠竄何地不可容身乃致命遂志
有死無隕即破格褒崇誰曰不可諒朝廷必不惜今
日之虛名作將來之志義乃僅贈良鄉主簿國學教
職于聖主優恤之與謂何帝感其言下部吏議乃贈

生遠五經博士與森禮等及千戶蕭如龍何秉忠百
戶李隆並配祀還醇祠武舉人陳彝測諸生梅友松
等十五人烈嬪朱氏等十七人並建坊旌表無何順
天府尹劉宗周以上導得死難之正請贈輸死宮坊
以為世勸不報當是時列城被兵多失守其以死事
聞者更有香河知縣任光裕灤州知州楊燦光裕贈
郵如還醇燦贈光祿少卿並任一子

李獻明字思皇壽先人崇禎元年進士授保定府推
官明年十一月

大清兵臨遵化巡撫王元雅與推官何天球遵化知

縣徐澤先任知縣武起潛等憑城拒守獻明時以查
盤在城中或謂之曰此邑非君所轄去之無罪獻明
正色曰莫非王土安敢見危避難請守東門未幾城
破遂死之元雅太原人為巡撫數月即遇變自縊而
死天球以永平府推官理遵化軍餉澤字允若襄陽
人獻明今年進士滋任甫七日與天球起潛並殉難
起潛字用潛進賢人天啓五年進士初為武清知縣
有諸生為人所訐絀金酒甕以獻起潛知之召學官
及諸生貧者數人置甕庭中謂之曰美酒不可獨享
與諸君共之酒盡金見其人惶恐請罪即以金分界

貧者治縣一年有餘調繁遵化坐事被劾解官候代
遂及于難事聞獻民天球並贈光祿少卿澤光祿丞
俱廢一子

忠義三

朱萬年黎平人萬曆中舉於鄉歷官萊州知府有惠政崇禎五年二月賊魁李九成等既陷登州遂擁衆來犯城中士民洶洶欲竄萬年下令嚴禁督率吏民憑城固守時山東巡撫徐從治登萊巡撫謝建並在城中賊攻圍數月萬年飭守具給軍食未嘗乏絕已而從治中砲死外圍益急城中守禦益堅賊知不可下數詭詞乞降建信之以七月七日偕萬年出城往受遂為賊所執萬年誑之曰爾執我無益可以精騎

從我乎守城者出降賊果以精騎五百擁萬年至城
下萬年大呼曰我已被擒誓必死彼精銳盡在此可
急發砲擊之毋以我為慮守將楊御蕃不忍萬年復
頓足大呼賊怒將殺之大罵而死城上人見萬年已
死遂發砲賊死過半事聞贈太常寺卿賜祭葬有司
建祠官其一子方賊之還掠新城也知縣秦三輔訓
導王協中禦之並死焉其陷黃縣知縣吳世揚罵賊
死縣丞張國輔參將張其功守備熊喬渭力戰死爾
平度知州陳所聞自縊死三輔世揚贈光祿少卿所
聞贈太僕少卿並賜祭葬建祠蔭子協中國輔奇功

喬渭亦贈恤有差三輔三原人世揚洛陽人所聞畿
輔人並起家一榜明世恤忠之典凡身死綱常與死
封疆者皆贈官廕子賜祭葬或錫謚立祠婦女則建
塚旌表其典最為優厚若所司失奏及後人自陳請
者天子輒嚴旨譙讓故一時忠藎之臣鮮不顯暴於
世今采摭先後死事者盡著於篇但志所贈之官其
他卹典槩可類推故不悉志云

張瑤蓬萊人天啓五年進士授開封府推官為治嚴
明絕請寄抑豪強吏民畏若神崇禎四年與杞縣知
縣萊陽宋玖並行取入都時沂州宋鳴梧居吏科瑤

往謁門者索錢瑤詈之鳴梧不悅授汝為給事而抑
瑤僅得府同知瑤大怒按致行賄狀列疏上聞吏部
尚書閔洪學等亦劾瑤積遺奔競鳴梧獲極論之遂
謫河州判官未赴苑里明年正月賊李九成等逼登
州瑤率家衆登陴拒守無何城陷瑤猶揮石奮擊賊
擁至被執大罵不屈被殺妻女四人並投井死贈光
祿少卿先是賊陷新城舉人王與夔張儼然死之其
陷他縣者貢生張聯台蔣時行亦死之皆格於例不
獲旌禮部侍郎陳子壯上言舉貢死難無恤典當制
也然名既登於天府息獨後於流官九泉之下能無

悲恫此者武舉人李詢禦賊捐軀已蒙贈恤武途如此文儒安得獨遺乞量贈一官永為定制可之乃贈與夔儼然宛平知縣聯台時行順天府教授其後他衣死難若舉人李讓吳之秀賈煜張慶雲貢生張茂貞張茂恂皆贈官如前制

張光奎澤州人仕至山東右叅政崇禎五年流賊竊山西監司王肇生知歎人吳開先有勇略便宜署為將使擊賊賊犯澤州開先與戰於城西賊敗去從沁水轉掠陽城肇生以開先之兵至開先恃勇渡沁戰於北留墩下擊斬數百人砲盡無援一軍盡沒賊乃

以八月再犯澤州光奎時里居與其兄守備光璽千
總劉自安等率衆固守八日閱援兵不至城陷光奎
等並死之澤大州也遠近為震動事聞贈光祿寺卿
光璽等贈恤有差同時楊于楷遼州人崇禎元年舉
進士授行人五年奉使藩府事竣旋里十一月賊紫
金梁等自沁州武鄉來寇于楷散家貲率士民登城
拒守已而力屈城陷于楷被執罵賊死知州信陽李
呈章及在籍刑部主事張友程舉人趙一亨侯標並
死之明年六月賊陷和順昌平副使藥濟衆罷言家
居被傷不屈赴井死贈于楷光祿少卿濟衆太僕少

卿有徐明揚者浮梁人由選貢生為平順知縣六年四月賊來犯或以城小無倚乞避之郡城明揚不可設策守禦及城被不屈死

李中正盧氏人萬曆末舉會試以天啓二年赴廷對授承天府推官入為兵部車駕主事崇禎初謝病歸六年群盜大亂河北以十一月乘冰堅長驅渡河遂由滹池犯盧氏時中州承平久上下恬熙不設備驟聞寇至吏民皇駭知縣金會嘉棄城遁賊遂以十二月二日入城中正憤躬勸家衆及里中壯士顧從者奮擊衆寡不敢力死賊縱掠城中執舉人靳謙吉

抑使跪謙吉不屈大罵而死賊以是冬始入河南自
是倭陷名城殺將吏延蔓中原數千里不可嚮邇矣
馬尾輕者宜陽縣布衣也性篤孝友弟或婦言迫分
產乃簡取田廬之澆薄者萬曆末歲大凶出粟六百
石賑救焚券千餘金崇禎六年冬流寇渡河而南挈
家避之石龍崖三女有絕色慮為賊所污悉投崖下
死足輕被賊執厲聲大罵賊怒并其三子殺之迄死
罵不絕口其家衆皆遇害惟存次子駿一人後登鄉
薦時中州以布衣死難者有靈寶許燁新安劉心培
馮山李登英俱師裴君合陝州張我正張成德孟津

孫挺生嵩縣傅世齊李佩玉上蔡劉時龍諸人輝幼習道家言為縣中陰陽官六年冬為賊所掠誓不從大罵見殺君培為人有義行六年冬寇渡河攜子及從孫避難道遇賊欲殺其從孫君培曰我尚有兒此子乃遺孤幸舍之而殺我賊如其言二子獲免山性剛直土寇於大中陷新安獲山使之負米叱曰我良民汝逆賊安有良民為賊負米者即大罵而死登英邊城破慷慨就義君合幼孤母苦志育之君合孝養惟謹寇亂聚眾保沙岸寨寇攻圍十晝夜不克說之降大罵不從後寨破被磔我正豪傑自負零集眾

保障鄉里一方類之十四年寇掠其里勒衆禦之賊
三賊俄賊大至衆悉奔奮臂獨戰寇愛其勇敢生致
之詬罵自刎死我德生有義槩里中被寇恐妻子受
辱驅一家二十七人登樓自焚挺生初讀書試有司
不利去學星術有奇驗預知十五年有寇禍編茅於
河渚以居賊蹤跡得之語其妻梁氏曰此匹夫狗義
之秋也夫婦對泣詬賊而死世濟與兄世舟並為土
寇於火中所執將殺之兄弟相抱持而泣賊憐之議
釋其一世濟即奪賊刀自殺世舟獲免佩玉者心史
與宜孫也崇禎末黃州蹂躪無完土佩玉憤結遺民

捍衛鄉井與鄰境救蒸相犄角往往尾賊後奪其糧
重賊憚之不敢出其境後賊大舉圍別寨佩玉急救
衆寡不敌力戰而死里人相聚哭之時寵有孝行賊
陷城其父宗禮以年老不能行命之速避遂自殺時
寵慟哭刺殺一子三女夫婦並自刎其妹適歸寧亦
從死一家死者凡八人

方國儒字道醇歙縣人四歲失怙奉母以孝聞天啟
元年舉於鄉崇禎間為保康知縣時流寇大入湖廣
所至摧陷將吏率望風先奔保康小邑素無兵寇以
七年正月來犯國儒急率鄉兵出禦力不支敗走城

遂陷無何賊退國儒還入城方再圍戰守踰月寇復
至督吏民脩城固拒寇後隊來益衆孤城無援復陷
國儒冠服坐堂中被執大罵身中七刀死是年正月
寇陷竹谿執知縣余霄將殺之子諸生伯麟請代乃
免賊退數日復陷其城訓導王紹正遇害殺城舉人
常存畏王秉貞以會試赴京道遇寇被劫欲推為首領
存畏罵不絕口死秉貞傾貲行賄獲釋後張獻忠據
綏城為之謀主卿里羞之他賊犯興山者知縣劉定
國督衆堅守城將陷遣吏懷印送上官挺身罵賊死
何承先貴州鎮遠人萬曆四十年舉於鄉宗積中歷

官夔州府同知恃群盜犯荊州者連陷遠安興山歸
州遂長驅入夔州官軍竟無守險者以七年二月抵
夔州城下城中倉猝無守具副使周士澄時駐培州
通判黃尚儀推官劉應侯奉節知縣譚楚良悉遁承
先以攝府事督吏民城守力竭無援城遂陷承先整
冠帶危坐不動賊人殺之投屍於江自賊起陝西轉
寇山西蔓延畿輔河南北以及湖廣四川摧陷州縣
以數十未有破大郡者至是天下為震動承先後贈
夔州知府賊他部自漢中西鄉來者亦以是月北大
寧知縣高日臨見勢弱不能守嗷指血書牒乞援於

上官而躬率家衆及吏民禦之城北門衆寡不敵為
賊擊敗日臨被執脇之降大罵不屈賊碎其體而焚
之訓謀高錫及其妻女廵簡陳國俊及其妻皆遇害
日臨字儼若鄱陽人起家恩貢生賊既陷夔州他賊
即以次日陷巫山通江巫山廵檢郭纘化禦之陣沒
通江署事通判李良基築城道指揮王永年力戰死
之至四月守備郭震辰指揮田寶擊賊百丈關兵敗
被獲罵賊死

桂夢龍字君啓會稽人萬曆三十八年進士授刑部
山東司主事進員外郎挺擊獄起諸司官劾士相趙

會頑勞永嘉納鄭國恭厚賄附會劉廷元這癩之說
盡匿張差所供為國恭守莊及龐劉二內侍引定語
第云差收積薪草為鄰人李萬倉等所燬差憤赴朝
鞫寃行至東門過一人謂持挺入可當寃狀遂悞入
東宮迫署印侍郎張問達速謝及王之案發其奸謀
士相等懼時夢龍以典試廣東杜門注籍問達強起
之令共事士相等不欲再鞠趣問達具疏請旨以疏
入必留中其事即寢夢龍曰已奉旨提問安得再請
旨已奉之明倫又請必不下之旨可乎問達感額曰
然則若何夢龍曰請問今具疏欲提張差耶衆曰然

夢龍曰差已在獄又誰提衆曰然則提馬三舅輩夢龍曰此皆編氓堂堂法司不能刺一編氓須煩天子詔耶士相曰今但云乞勅下三法司不須乞提何人問達晒曰有是哉此成何語再問夢龍當若何曰差所供內犯有姓無名此須訊實士相急曰此事何敢再訊夢龍曰他小事猶訊而獲訊今國家大事反革草耶問達亦以為然明日夢龍獲反獲言之問達悟趣速訊士相猶執不可永嘉曰倘訊而吐不執謀奈何夢龍曰因慮其不承反慮其承耶蓋是時士相永嘉各納國泰四萬金而問達不知也及會赦止士相

會禎永嘉夢龍之案暨傅梅鄒紹先七人獨梅與夢
龍合餘皆主瘋癲說將訊衆猶囁嚅後堂不肯出夢
龍曰法官畏囚若此耶士相曰訊終不便永嘉把夢
龍臂曰令不得已而訊止問二內官及馬三舅李外
父的名爾若更問一語不訊矣會禎紹先曰即訊不
可加刑夢龍見諸人惶懼笑曰見無禮於其君者若
鷹鷂之逐烏雀卽有禍余獨當之乃就坐永嘉復以
內語約夢龍呼刑具三無應者擊案大呼始具差長
身駢脅視視傲語畧無瘋癲狀夢龍呼紙筆命畫所
從以路永嘉笑曰君亦癲耶乃令癲人畫圖須臾圖

成梅問汝何由識路差言我薊州人非有謀者安得
入夢龍問謀者為誰乃供二內官且曰彼用金銀壺
各一養我三年矣問內官何名士相永嘉息曰彼必
不識不必問夢龍問使汝何為曰擊小爺小爺者謂
太子也士相即推坐起曰此不可問矣遂罷訊見問
達問達將具疏夢龍曰內豎有姓無名與昨等爾衆
皆曰可矣夢龍遂稱病不出問達遣使四五輩召之
乃往見請再詰內豎的名問達曰衆不從君再訊乎
夢龍曰安有鞠囚止拘四語之理問達愕然問故始
知之乃從夢龍言命十三司會訊訊時衆始喧雜每

其詰問永嘉輩故黨龍之或止之輒與之閑然差則
盡供逆謀及龐保劉成名一無所隱時士相主筆聞
供二暨名躊躇不敢下即中馬德澧坐其旁趣之士
相大怒奮衣起叱供至擊小爺士相又不欲入德澧
不可獄既具問達命具疏永嘉欲去擊小爺三字夢
龍爭之永嘉曰頃半御史志夔傳言不得入此三字
誰敢入夢龍哂然曰但道陸員外不肯匿誰敢匿時
永嘉庇鄭氏无乃每假臺諫勢以挾持同官類如此
將繕疏士相又欲去二暨名類夢龍不可乃已當是
時宦路自何士晉刑官自夢龍之案梅德澧外鮮不

約鄭氏賄者微夢龍力持幾不成獄然群小恨之次
骨志夔遣人傳語曰已具稟章矣亟從衆則免夢龍
曰吾不畏死寧畏彈耶已而已矣案梅德澧並為群小
所陷教欲陷夢龍賴問達力左右之於吏部獲免四
十五年由郎中出為廣西提學僉事歷江西叅議湖
廣江西副使天啓四年貴州賊未靖總督蔡復一薦
夢龍知兵改右叅政監軍討賊安邦彥犯晉定夢龍
偕總兵官黃鉞以三千人赴之偵者言賊大至曉行
霧滿山夢龍曰急驅之稍竄賊知虛實矣鉞不應
夢龍遽引親丁直前薄賊賊奔鉞乃拔營而進大敗

之上山苗叛思州告急夢龍往授同知府胡柵曰若
設獅子哨去賊巢幾里曰二十里夢龍即夜遣中軍
吳家相進搗其巢奪苗鼓亂搗聲振山谷苗大奔潰
焚其巢而還尋改湖廣監軍遷廣東按察使上官建
魏忠賢祠列夢龍名亞遣使剷去之崇禎元年大計
忠賢黨猶用事鎬二級調任三年起湖廣副使丁艱
不赴服闋起故官分廵東兗道盜起曹濮間督兵討
之陣斬其魁黃五郭金城生擒王好義等餘衆悉降
遷右叅政分守固原七年夏賊來犯擊却之閏八月
賊陷陰德殺知縣費彥芳遂圍靜寧州夢龍率遊擊

賀奇勳都司石崇德禦之抵老虎清賊初不滿千人
已而大至夢龍所將止三百餘人被圍數重賊矢石
如雨突圍不得出二將抱夢龍而泣揮之曰何作此
婦孺態大呼奮擊手弑數人賊并力合攻與二將俱
戰死夢龍慷慨好談兵客訪之輒投石起距手舞大
刀以示勇毅然有廓清群盜志至是戰死聞者莫不
惜之贈太僕卿

龐瑜字堅白公安人家貧躬耕自給晝日轉水灌田
執書從牛後朗誦不輟由歲貢生授京山訓導崇禎
七年擢陝西崇信知縣縣故無城兵荒之餘貧民止

百餘戶。瑜知賊必至，詩平京言於監司陸夢龍以無
兵辭。瑜歸集士民，流涕大言誓以身死職。閏八月天
大雨，土垣盡圮。賊掩至，瑜急解印遣家人，賫送上官
而身端坐堂皇，以俟賊。至，捧之下，令跪。瑜罵曰：「吾待
死久矣，狗賊奴何敢辱官長！」賊怒，拔刀擬之。罵益厲。
賊掠城中無所有，執至野外，剖心裂屍而去。贈固原
知州。是時賊盡趨秦中，長吏以失城殉難者更有董
三謨、朱呈、羅吉、永祚、婁琇、蒲來舉、呂鳴世諸人。三謨
黎平人，舉於鄉，崇禎中為陝西山陽知縣。史事精敏，
下皆畏服。賊猝至，陷其城。三謨及父嗣成、弟三元俱

死之妻李氏亦攜子女偕死贈光祿寺丞文祠與嗣
成三元並祀妻女建坊旌表呈璫藩府宗室也居長
治由貢生為秦安知縣縣既貧瘠益以兵荒素乏守
備賊至城陷執詣寧羌郭外令賺城呈璫大呼曰我
為賊所獲若輩須固守我忍辱至此者欲令知我死
所爾遂大罵呼速殺賊即殺之寧羌迄嚴守不下贈
光祿少卿永祚輝縣人輸資入國學為鳳縣主簿七
年四月已謝事將歸會賊猝至知縣棄城遁乃倡義
拒守力屈城陷北面再拜曰臣雖小吏嘗食祿於朝
不敏以謝事過責見賊大罵死二子士桓士模皆死

教諭李之蔚鄉薦紳魏炳亦不屈死未祚贈漢中衛
經歷餘贈恤有差秀知涇州以七年閏八月城陷死
贈太僕少卿來舉知甘泉賊來犯守備孫守法等擁
兵不救城破來舉手刃一賊傷六賊而後死贈官同
呈權鳴世福建人由恩貢生為麟游知縣性介特以
風教自任地遭兵燹居民寥落村猶甚有恩七年八
月賊陷其城被執賊未忍加害鳴世發憤絕食六日
卒有宋緒湯者耀州諸生賊攻城被獲大罵死
閩生斗字文淵汾西人崇禎中由歲貢生歷保安知
州性廉介持法嚴吏民畏服七年七月大兵驟臨城

生斗倉猝集吏民嬰城固守竟以力不敵城破被執
生斗死判官李師聖吏目王本立訓導張文魁亦以
守城死同時將乘采字衷白全州人舉於鄉為大同
靈丘知縣律已嚴字民平易有古循吏風是年八月
靈丘忽被兵上下惶駭乘采慨然曰吾當以死衛吏
民亟募健兒登陴列守無何力屈衆潰乘采投繯死
闔門殉之守備于世奇把總陳彥武馬如哥典史張
標教諭路登甫並赴闕而死事聞贈生斗太僕少卿
乘采等贈恤如制

尹夢賢雲南太和人萬曆時舉於鄉崇禎中為潁州

知州以廉惠得民八年正月方謁上官於鳳陽聞賊
大舉來寇立馳還夢鰲以初十日至賊即於此日抵
城下倉猝募兵未集偕通判趙士寬率吏民登陴固
守城北有高樓可俯矚城中諸生劉廷傳謂不伏兵
此樓則城不可守請先據之夢鰲以為然而廷傳所
統皆市人不可用賊果據城以攻且鑿城類數丈城
上人怕懼皆散走夢鰲為長跪求協力共守衆徑去不
顧夢鰲乃持大刀獨當城類壞處殺賊十餘人身亦
被數刃俄賊衆畢登遂投城下烏龍潭死弟姪七人
皆死之廷傳者故布政使元光從子也素任俠好義

亦罵賊死九光子廷石多才智分守西城中賊必未
絕口授友人方畧令繕牘上之當事旋卒士寃字汝
良掖縣人由門蔭為鳳陽府通判駐潁州亦以正旦
詣郡城聞警一日夜馳三百里返州不入署即登城
與夢鰲同守閔三日城陷猶率家衆巷戰力竭亦投
烏龍潭死妻李氏攜二女登樓自焚僕王丹亦嘗賊
死鄉薦紳尚書張鶴鳴弟副使鶴騰子大同中書舍
人田之頴知縣劉道遠光祿署丞李生白訓導丁嘉
遇舉人白精忠郭三杰皆死頴有衛隸河南指揮李
從師王廷俊千戶孫升田三震百戶羅元慶田得民

王之麟俱以乘城戰死賊既陷潁州遂屠其民其別部即以是月由壽州犯鳳陽鳳陽故無城中都留守朱國相率指揮袁瑞徵呂承庵郭希聖張鵬翼周時望李文郁岳光祚千戶陳弘祖陳其忠金龍化等以兵三千逆戰於上谿山頗有新獲俄賊數萬繼至矢集如蝟遂敗相國自刎死餘皆陣歿賊遂犯皇陵大肆焚掠知府顏容暄囚服匿於獄賊釋囚獲之將加刃容暄大罵賊怒杖殺之血浸石堦宛如其像漆之亦滅士民乃取石立塚建祠奉祀推官萬文英方卧病賊索之子元亨年十六泣語父曰兒不得復事親

矣出門呼曰若索官何為我即官也賊繫之顧見其
師萬師尹亦被繫給賊曰若欲得者官爾何繫此賊
練賊遂釋之元亨乃極口大罵賊怒斷脰死文英獲
免容煇漳浦人文英南昌人並起家進士一時同死
者千戶陳采齡百戶盛可學等四十一人諸生六十
六人舉人蔣思宸聞變投燬死後給事中林正亨錄
上其狀贈夢鯨光祿少卿士寬光祿丞餘贈恤有差
韓光祖潁州諸生也賊薄城真子進士獻策助有司
拒守及城陷賊執光祖脅之跪叱曰吾生平讀書止
知忠義城亡與亡誓不偷生遂大罵賊怒殺之碎其

苑妻武氏投火死一妹一女並赴井死獻策妻李氏亦赴井死妻李氏方有娠賊剖腹剔胎死次子定策孫日曦身被數槊罵賊死獨獻策獲存同時諸生被難者一百三人有檀之槌者賊入城守母柩不去一賊掠其家之槌提石杵擊之斃他賊復至見其持杵反走之槌追擊之亦斃賊疊至連擊殺數人中刃而仆賊磔殺之其時婦人死節者三十七人烈女八人時稱潁州忠節為獨盛云

盧謙字吉甫廬江人萬曆三十二年進士授永豐知縣課最入為御史嘗巡厥庫按真定督屯田視畿輔

學政資最深以不善趨時出為江西右叅政引疾歸
謙為人端介言動不苟崇禎八年二月流賊自巢縣
犯廬江士民具財幣求免賊偽許之俄襲陷其城謙
服命服危坐中門賊至欲屈之罵曰吾朝廷憲臣肯
為賊屈耶畢輩滅亡在即安敢無禮賊怒殺之投屍
於池池水盡赤舉人張大受畢伊周亦不屈被殺是
年正月賊陷霍丘縣丞張有俊教諭倪可大訓導何
炳鄉薦紳田既庭戴廷對舉人王毓貞死焉知縣適
他往其家屬盡死賊別部陷巢縣知縣嚴寃歸安人
起家乙榜有善政被執不屈一門皆死二月犯太湖

知縣金應元山陰人亦起家乙榜賊至據城東大濠以守奸人謀賊渡濠執應元斫之未殊自經死家人皆遇害訓導扈永寧亦死馬謀贈光祿寺卿餘贈恤如制

龔元祥字子禎長洲人舉於鄉崇禎四年為霍山教諭屬蕪陽以名教自任與訓導姚允恭同志友善八年寇陷鳳陽遠近震動元祥急借縣令為守禦備守事粗舉寇掩至令即逸去元祥督率士民脣城固守或勸之曰今已亡君無守土責盍避諸元祥慨然曰食祿而遺其難不忠臨危而棄其城不義吾平日講

說考謂何倘不測惟有死爾及賊陷城元祥整衣冠危坐賊至侃侃諭以大義賊不顧欲屈之厲聲曰死即死賊狗何敢辱我賊怒執之去元祥罵不絕口遂遇害于炳衙奔救號呼罵賊賊又殺之閏五日允恭歿其屍即自縊通縣令解免越日賊獲入允恭卒死之事聞贈元祥國子助教建祠曰忠孝以其子配允恭亦獲旌

王信陝西寧州人性至孝父沒廬墓三年母疾迎信年已六十戒死後勿廬墓信勉從之居倚廬足不踰闔者亦三年崇禎初由歲貢生除靈璧訓導遷真陽

知縣八年二月出撫土寇會流寇猝至被執信謾罵不屈賊擁之使諭降羅山真陽二縣信益罵不從斷頭剖腹而死閱四日其子來覓猶舒指握子手若相訣者贈光祿寺丞建祠奉祀今時史記言字司直當塗人崇禎中由乙榜歷長沙知縣陝州知州陝當賊衝記言出私財募士聘少室二僧為師訓練之賊駐近境以所練士往禦斬數十級生擒二十餘人賊魁老回回憤率數萬人來攻記言憑城拒擊賊不得志而去已所練士上官調赴他郡賊遂以八年十月乘雪夜來襲城即備記言縱火自焚兩僧掖之出曰死

此何以自明乃越女墻而下賊追獲之令其降叱曰
有死知州無降知州也遂被殺指揮李君賜聞賊入
持矛奮鬪斃數賊而死訓導王誠心里居教諭張敏
行姚良弼指揮楊道泰阮我糧鎮撫陳三元亦不屈死
是月賊陷廬氏知縣白楹自到十年九月陷澠池知
縣李邁林死焉事聞贈記言光祿少卿餘贈恤有差
梁志仁南京人保定侯銘之裔也其先世皆為武職
至志仁好讀書舉萬曆四十六年鄉試崇禎六年授
衡陽知縣明年調羅田並有聲時湖廣大被賊患志
仁修城濬濠日夕倣賊羅汝才雅聞其名謂李石

曰羅田城小易克然梁君長者吾不忍加兵俟其去
當取之會邑豪江猶龍與賊通志仁聞捕下獄猶龍
自以必死知賊別校方攻麻城遣奴潛謀之八年二
月賊粹至志仁急偕典史單思仁教諭吳鳳來訓導
盧大受督士民守禦已而城陷志仁猶持長矛巷戰
殺六賊力屈被繫柳使跪罵曰我天子命官肯屈膝
賊輩耶速殺我賊怒碎其支體而焚之妻唐氏被逼
亦大罵曰死賊汝殺我夫我亦當殺汝奪刃不得以
口嚙賊手遂遇害思仁等亦不屈而死汝才在英山
聞之馳至羅田斬其別校曰奈何擅害長者以錦繡

欽其夫婦屍鳳來福建人由鄉舉大受寶慶人由貢
生明年贈志仁新州知州思仁羅田主簿鳳來國子
助教大受學錄庵子祭葬有差

王國訓字振之解州人天啓二年進士除金鄉知縣
調壽張再調滋陽以憂去服闋起官武清崇禎四年
坐大計議調久之補扶風國訓性剛嚴取資緣牛進
故釋褐十餘年不增一秩八年秋群寇來犯國訓督
勵士民偕主簿夏建忠典史陳紹南教諭張弘綱訓
導陳縉膺城固守閱兩月外援不至城竟陷國訓罵
賊死建忠等亦不屈被殺事聞贈國訓光祿少卿建

憲等皆贈恤當是時大帥曹文詔文萬年等並戡沒
寇勢益張關中諸州縣無所不殘破以八月陷永壽
敬知縣薄匡宇即以是月陷咸陽敬知縣趙濟昌其
時長吏以死難聞者有隴州知州胡爾純延長知縣
萬代芳爾純山東人是年寇數萬來攻爾純悉力守
禦吏曰王錫袞潛通賊賊遂入城爾純自經死代芳
知延長聞寇至與教諭譚恩驛丞羅文魁協力拒守
已而城陷代芳死之妻劉氏妾梁氏從死恩文魁亦
殉難爾純贈光祿少卿代芳光祿丞妻妾建坊旌表
恩等亦賜祭有孫仲嗣者膺施人慷慨好俠烈由貢

生為階州學正流寇充斥當事知其才委以城守寇
憚之不敢犯後以大衆來攻仲嗣冒鋒鏑盡瘁死守
力竭城破與妻子十餘人並死之贈國子博士同時
楊呈秀華陰人由進士歷官順慶知府坐大計罷歸
寇攻城佐有司捍禦及城陷不屈死贈恤如制

洪雲蒸長沙人萬曆三十八年進士授諸暨知縣大
計拾遺謫許州判官稍遷梁山知縣又被劾改昌平
學正累遷戶部郎中廣州知府崇禎初進廣東副使
移廣西右叅政為上官奏留先是九連山賊陳萬等
肆亂於汀湖諸郡間為福建叅政曹櫻等所滅銅鼓

渠賊鍾凌秀亦降其餘黨猶出沒為患五年雲蒸偕
總兵鄧懋官搜其巢斬首三千餘級盡毀其營砦而
還尋遷江西右叅政復調廣東海盜劉香為亂總督
熊文燦議撫之遣雲蒸及副使康成祖叅將夏之本
張一傑往諭香留之不遣還八年四月官兵進擊香
勢窮令雲蒸等出船止兵大呼曰賊已滅大兵宜急
擊勿以我為慮賊遂殺之香亦覆滅米祖等獲脫還
同時有陳瓚者漳浦人舉天啟五年進士授慈谿知
縣被劾議調崇禎十年為袁州府推官湖廣臨藍巨
寇竄至有謀者為內應瓚捕斬之懸首城上賊謀沮

猶環城力攻瓚拒守半月始解去累遷湖廣右叅議
分守湖南討平八排賊有功十六年張獻忠陷長沙
圖叅政周鳳岐於澧州瓚督兵往救全軍敗沒賊執
瓚欲降之喬罵不屈斷手剖肝而死鳳岐永康人萬
曆末舉進士授中書舍人累遷工部郎中掌節慎庫
奄人索執料價不得落職歸崇禎初起故官出為湖
廣江防僉事遷四川兵備副使苗人爭界為立碑畫
疆以定之改湖廣右叅政分守澧州賊來犯援軍敗
沒城遂陷鳳岐被縛賊帥親解之詆以降怒罵而死
上官蓋字表亦曲沃人崇禎中由乙榜為順義知縣

縣近京師貴豪多置莊田侵編戶蓋守官廉持法不
撓士民悅服泣政三載薦剡十餘上九年八月大軍
來攻蓋偕游擊治國器都指揮蘇時雨等憑城拒守
已而城破蓋自經國器時雨及訓導陳所蘊遇害先
是七月中敵兵踰天壽山入昌平攝州事保定府通
判王禹佐與守陵中官王希忠總兵官巢丕昌等分
璪而守無何降丁二千為內應城遂陷丕昌出降禹
佐希忠及判官胡惟忠吏目郭永學正解懷亮訓導
常時光守偕咸貞吉死焉禹佐子亦從父死未幾破
寶坻知縣趙國鼎死之主簿樊樞典史張六師訓導

趙士秀並被殺國器山西樂平人舉鄉試第一登崇禎七年進士在官有政聲定興之破教諭灤州熊嘉志慷慨盡節其破安肅也知縣臨清鄭延任與妻仝殉教諭靈壽耿三麟亦死之事聞贈恤如制

張紹登字振夫南城人崇禎中由乙榜為應城知縣縣中多豪僕諸胥徒馬戶排夫悉僕充之有調發則其人避去胥有司別催以充且倚前催役里正輒取之正賦不待批發皆襲為成例紹登至毅然欲更之豪戶皆不悅衆議繕城汰之闔邑紹登曰巨家富室盡在城中於鄉民何預悉免之九年賊來犯得訃謀

張國勛鄉薦紳饒可文悉力防禦賊引退國勛曰賊不一剽城未易守願率壯士出擊之力戰一日夜頗有斬獲賊乃去邑有侍郎王璠其子權結怨於族黨怨家潛謀賊賊遂以十二月來攻或言國勛無守土責盡避之國勛不可佐紹登力守而乞援於上官上官遣副將鄧祖禹將兵來救於是祖禹守西南國勛東北而紹登往來策應會賊射書索權權懼率家衆斷北關以出賊乘間登南城紹登還署端坐堂上見賊來執喬拳擊之賊辟易群賊齊至乃被殺賊渠嘆其忠卒以冠帶覆屍埋之堂側國勛黃陂人起家歲

貢生賊既入朝服北面再拜走捧先聖神主立以待
賊遂焚文廟投國助烈賊中祖禹不屈而死可久幼
孤事母孝舉於鄉為大興知縣崇禎初疏請更三朝
要典時奄黨猶擅權蒲光祿典簿遷應天府推官入
為刑部主事歷知府丁艱歸至是賊入語妻程氏曰
臣死忠婦死節分也於是妻與女相對自經可久被
執賊使之拜曰頭可斷膝不可屈也遂遇害城亦為
賊支解事聞贈紹登尚寶少卿國勛國子學正
王燾字濬仲崑山人少孤貧九歲為人後族人有謀
其產者燾舉以讓之獨迎養嗣祖母及母惟謹萬曆

家舉於鄉授海門教諭丁母親服闋補儀真推解州
知州未任丁祖母艱崇禎九年補隨州州當群盜焚
掠之餘戶不滿千燾至訓民兵繕守具力為防禦計
土寇李良喬為亂燾殺之明年正月大寇掩至燾親
冒矢石且守且戰擊斬三百餘人寇憤攻益力相持二
十餘日天大風雪守者多散燾知事敗入署整冠帶
自經寇焚其署燾死所火不及其屍植立不仆寇
望見駭走已薨州印得之燾所立尺土下其精靈不
異如此贈太常少卿南渡時賜諡烈愍建雙忠祠與
全忠蔡懋德並祀有魏時死者南昌人生優磨暑善

舞雙刃崇禎九年夏為廣濟典史時邑遭淺破長吏
設排兵三百人委時光教練其冬賊據蕪州河口憚
時光扼險不敢渡時光募死士夜襲其營砲發賊驚
擾時光手砍殺數人賊不敢逼俄賊衆大至部卒皆
散時光獨立高坡又破殺數人賊環繞之以馬勒斷
被執不屈死兄諸生陳於上官却不奏兄憤發病死
其友收斂之哭之盡哀白弟為國死兄為弟死吾獨
不能表暴之于具贖力陳乃奏聞贈廣濟主簿予恤

典

馬如蛟字騰仲和州人天啓二年進士授浙江山陰

知縣清操曠然所食米皆自其家運致崇禎元年徵
殺御史劾侍郎徐紹吉御史張納誦附魏忠賢主持
要典二人遂削籍故事內庭正旦端陽中秋宴會先
令商人供辦而後給直多至破家天啓時免端陽一
節備費三萬二千有奇至是如蛟借給事中鍾外恐
視銀庫力陳商困請及時給發從之奏汰內府各監
局官匠歲省俸廉銀二萬八千米一萬餘石明年出
按四川時安邦彥奢崇明已為四川將士所戢而貴
州與之爭功如蛟遂劾按臣蘇瑛冒功罪蜀中勢家
橫恣奸民率以他人田產投獻如蛟列上正名分勵

廣取約宗室十事嚴行約束一方賴之嘗薦方面官
而所薦有科察典者為都御史閔洪學所糾命回道
時嚴戾薄罰而止四年秋與同官余文燭監武會試
時舉子董姓者先以技勇聞於帝及入試考官楊世
芳劉必達以文不中程黜之帝謂有意抑之也主考
及如蛟文燭並下吏落職歸八年論平邦彥功復故
官以父憂未赴十二月沉賊犯和州如蛟傾貲募士
與知州黎私業登陴固守麾下壯士出擊兩戰皆捷賊
將奔會風雪大作不辨人色守者皆潰賊遂入城如
蛟由事急奚可坐而待斃乎急下令能相從擊賊者

予百金須臾得百餘人鼓勇巷戰賊多傷已而力屈
遂戰死兄運司判官如虬諸生如虹及家屬十四人
皆死事聞贈太僕少卿官其一子弘業字孟攢順德
人由舉人授和州知州賊初至禦却之其冬賊復至
城將陷弘業繫印於肘跪告其母曰不肖兒貪微官
以累母奈何母李氏泣諭曰汝勿以我為意事至此
有死而已遂自殺妻楊氏妾李氏及女四人繼之弘
業北面慟哭再拜引刀自刎未殊復蘇濡頸血大書
曰為臣盡忠為子盡孝大丈夫何惜一死哉俄賊入
揚數刃而死贈太僕少卿任一子同時判官錢大用

借妻妾子婦俱死。吏目景一高被剗死。學正康正。諫
和門人由舉人入仕。借妻汪氏子婦章氏赴水死。贈
國子監丞。訓導趙世選亦不屈死。贈國子學錄。

蔣佳徵。淮陽人。天啓四年舉於鄉。崇禎中為盱眙知
縣。惠用窮祛風。獎治甚有聲。縣故無城。佳徵知賊必
至。訓民為兵。以待十年。秋賊果來。犯士民悉奔。有勸
佳徵出避者。持不可設。伏要害而親率眾。往誘賊。至
伏發。殲殺甚眾。賊怒。環攻之。力戰而死。其母聞之亦
投繯死。中樞楊嗣昌上言。佳徵身自為將。與守脩高
養正分營禦賊。眾寡勢懸。身頃疆場。請贈奉訓大夫。

尚寶少卿錫之恤典制曰可未幾巡按御史言淮敵
為國捐軀乎忠母義宜賜諡廕植倫常乃建表忠祠
并母奉祀同時江北死難者有吳暢春王寅二人暢
春漢陽人崇禎八年為潛山天堂寨巡檢時賊氛正
熾暢春為練鄉兵置戎器悉力防禦明年冬賊至夜
設燎火驚去之又明年春賊再至暢春督眾殊死守
力屈仰天嘆曰吾得死所矣手刃數賊被執不屈死
贈功即安慶府經歷廕其子為所鎮撫寅錢瑄人
諳兵法膂力絕人舉武鄉試以父征播功為千戶崇
禎中擢撫標守備是部卒晚弱不任戰詭曰業成將

軍練浙兵聞天下今若爾耶乃日集督教之卒始可
用十年遷龍江都司未上調赴泗州護祖陵賊來犯
寅曰賊衆我寡及其未集可破也捲甲疾趨至盱眙
斬其先鋒一人戰自午迄申賊衆益衆寅矢盡力窮
與守備陳正亨陷陣死贈鎮國將軍都指揮僉事正
亨贈昭勇將軍指揮使並官其子

徐尚卿南平人舉於鄉為劍州知州崇禎十年十月
大盜李自成惠登相等以數十萬衆由漢中入四川
大將侯良柱敗沒於廣元遂以初八日陷昭化知縣
王時化死之尚卿知賊必來犯集士民泣語之曰此

城必不能守若輩宜速去吾封疆吏誓死於此衆皆
泣請借去尚卿不可閱二日寇果陷其城殺縣死寇
遂長驅陷江油知縣馬弘潭被執不死後被逮彰明
安縣羅江德陽漢州吏民皆先遁二十二日掠郫縣
主簿張應奇死之俄陷金堂典史潘夢科不屈死是
月也賊陷州縣三十六其死事者止四人事定贈尚
卿布政司右叅議時化无祿丞應奇按察司知事夢
科將仕郎并賜恤典時化湖廣人舉鄉試第一
孫士美青浦人由鄉舉授舒城教諭崇禎八年春群
盜來犯縣令遁以公事出吏民洶洶無固志士美代

為城守自賊至迄群嚴凡七十餘日城賴以全明年
擢深州知州州故瘠土鄉兵數百皆市人不習戰士
美至力為保障計十一年九月

大清兵深入內地以十一月薄深州士美督勵士民
憑城而守閱三日力不支城破自剄於角樓父訥聞
之亦自縊一家與難者十有三人贈太僕少卿訥亦
被誅全時以教官死難者有劉廷訓張純儒唐一中
廷訓順天通州人由歲貢生為吳橋訓導敵兵入畿
內知縣李綦隆欲遁廷訓邀止之與共守及外圍將
合綦隆竟棄城走廷訓思奔城上語守者曰守死逃

亦宛眉若死於守為忠義鬼乎東波許諾乃堅拒三
晝夜城外發矢如雨廷訓受傷猶束胸力戰又中六
矢死踰月其子啓棺更斂而若生而棄城者迄伏法
純儒新安人為臨城訓謀兵至城下率諸生共守城
破携二子端坐明倫堂曰此我盡節處也兵入縛之
袒身被數十刃擲之城外居民扶至學宮乃卒一中
全州人舉於鄉為鉅鹿教諭城失守抗節死
白慧元清澗人父崇舜舉於鄉歷知蒲桑陵二州有
政績慧元第崇禎七年進士授任丘知縣為人邁與
不羈鋤強祛蠹吏民畏之九年大兵臨城慧元堅守

有功命減俸行取部內有大奄置酒盛陳寶玩供欣
賞慧元出言戲之奄怒據其賊私及大城涑水清苑
定興遷安諸縣不法事密聞於帝帝悉命逮治而嚴
責撫按之失糾者十一年冬慧元未行敵兵已抵城
下乃佐代者李廉仲共拒守無何廉仲離城遁慧元
素善騎射躬擐甲冑與鄉薦紳李植守防禦甚力及
城破被執詢知為慧元曰此昔年拒我趙北口者遂
見殺并殺其一家事定廉仲弟芳仲來任立偽以他
及屍為坑屍拜跪求恤植字子士焜時為給事中力
言其偽乃寢芳仲奏而慧元贈按察使事當是時畿

輔諸郡悉被兵長更多望風先遁失亡城郭者四十
有八其以殉難聞者更有慶都黃承宗靈壽馮登鰲
文安王鑰蠡縣王采新河崔賢鹽山陳誌固城王九
陽七人承宗有吏才在官恤民隱抑豪右修黻序繕
城隍庶政具舉以城破死難登鰲膺旄人起家乙榜
其從父大緯為蠡縣訓導亦死馬鑰武功人亦起家
乙榜死文安城上采澤州人起家進士賢代州人起
家乙榜誌知鹽山以敵退弛倚俄敵人假援軍突入
遂自經九島守固城外援不至戰死城上他若青縣
張文煥興濟錢珍慶雲陳絨並以城破遇害而贊皇

劉貴柘卿劉詮高邑程運晉寧晉胡應瑞無極趙之
昂隆平徐完一南和王際亨吳橋李基隆鷄澤李時
俊皆坐棗城致大辟而元氏劉業燦以獻幣迎降身
燦妻子為奴父母兄弟流二千里承宗等並獲贈恤
喬若受臨城人萬曆四十七年進士授中書舍人遷
禮部主事崇禎元年春廷臣爭擊魏忠賢黨人若變
亦兩疏劾兵部侍郎秦士文御史張訥智鉉備列其
傾邪狀尋言故輔魏廣微罪惡滔天致先帝冒桓靈
之名忠賢肆非常侍之毒而其徒陳九疇張訥智鉉
為之鷹犬嵩孽善類故廣微之罪不下忠賢九疇等

之罪不減彪虎乞死者削其官階生者投之荒裔帝
責其誅毀先帝而九疇等下所司行遣二年遷吏部
稽勲主事累遷考功員外郎明年冬出為兗州知府
若安不悅時帝欲重部守選命與監司並稱方面以
隆其體若安因投揭當途謂郡守之體與方面懸殊
今以銓曹特擢若與循常遷調者全類而觀則等威
詘禮貌輕抑掄者將目為剽轉之別名請集諸司協
議俾得比於監司以信方面之明旨不聽若安既之
官剔除積弊豪猾斂手聽斷明決興學育才賑荒恤
旱並有實績久之以疾歸士民遮道泣送十一年冬

臨城執守若雲端坐按劍以待兵入遂遇害贈太常少卿全時里居死難者有李楨宇魏克家李崇德董祚楨宇任丘人萬曆三十八年進士授洪洞知縣累遷職方郎中歷山西按察使罷歸是年十月任丘被圍佐知縣白慧元拒守及城破率家衆格鬪身中數櫓而死一門從死者數人克家高陽人崇德青縣人祚隆平人皆舉鄉試克家為鄒平知縣有善政崇德歷戶部員外郎祚未仕並以城破殉難贈恤有差高重光字秀恒保定人由貢生為柘鄉訓導歲凶饑民為盜有司倉皇莫措重光有倉頭勇敢善戰率之

出擊賊大敗城獲全當事薦於朝擢丘縣知縣崇禎
十一年冬大軍入山東縣被兵吏民欲負之逃重光
不可抱印赴井死其時州縣失亡者一十有六縣令
殉難者臨邑則宋希堯博平則張列宿荏平則黃建
極武城則李承芳皆蒙賻恤而尹亮知高唐敵至不
能守以所寄餉銀十萬為獻求免攻事覺論死他失
城者亦論死其家居被難者有李應薦及劉化光父
子應薦恩縣人舉進士歷官御史以附魏忠賢罷名
逆案至是捐貲募士佐有司力守及城破身被數刃
死化光歷城人與子漢儀先後舉於鄉化光銓授

推官未謁選遇變父子俱以守城力戰死贈恤有差
張秉文字舍之桐城人恭政淳之孫也舉萬曆三十
八年進士授歸安知縣調徽州教授累選戶部郎中
撫州知府江西副使以疾歸起官湖廣改福建右叅
政與平海寇李魁奇崇禎中歷廣東按察使右布政
使調山東為左叅文居官廢所在稱職十一年冬
大清兵自畿輔南下樞部楊嗣昌檄山東巡撫顏繼
祖移師德州於是濟南空虛止解兵五百泉州援兵
七百勢弱不足守廵按御史宋學朱方行部章立聞
警馳還與秉文及副使周之訓翁鴻業叅議鄧謙並

運使唐世熊等議守城而連章告急於朝樞部無以
應督師中官高起潛擁重兵臨清莫肯分助而大將
祖寬倪寵等又觀望不進未幾敵騎臨城學朱等分
門死守晝夜不解甲外圍益急援兵竟不至明年正
月二日城遂破秉文偕其妻方氏妾李氏投水死之
訓護世熊及濟南知府苟好善同知陳虞孚通判熊
烈獻歷城知縣韓承宣死馬德王由樞被執之訓黃
罔人由進士歷戶部主事福建提學副使天啟五年
舉治行卓異遷陝西驛傳叅政浙江按察使坐前誤
給郵符銷秩歸起濟南兵備副使撫按合疏薦其廉

能未遷擢而遭難望闕再拜與妻劉氏偕死闔門殉
之護孝感人舉進士授大理評事歷山東督糧叅議
至是戰於城頭與季父有積偕死母莫氏匿民間不
食死獲成傑從死者四十餘人世熊灌陽人舉於鄉
授富川教諭累官永平知府有能聲來為鹽運使分
守西門遇害好善禮泉人舉進士歷知長治蘭陽二
縣擢南京御史出知濟南烈獻黃陂人起家貢生與
二子俱死承宣蒲州人大學士燬之孫由進士出仕
與妻妾全死秉文贈太常卿之訓諱光祿卿承宣光
祿少卿皆建特祠餘贈恤如制學朱長洲人由進士

授南京戶部主事丁外艱服闋留補禮部改御史出
按山東甫半歲遂被難後廷中議恤典學朱以不得
屍疑未實獨格不予其子訴於朝不聽南渡時子再
訴乃贈大理卿鴻業及推官陸燦不知所終贈恤
亦不及有劉大年者江西廣昌人父仲歷官雲南布
政使有聲績大年登崇禎十年進士除兵部主事奉
使南京還朝道歷城值城破抗節死贈光祿少卿